

十四經發揮

十四經發揮序

人具九臟之形而氣血之運必有以疏
載之其流注則曰歷曰循曰經曰至曰
其交際則曰會曰過曰行曰達者蓋
有所謂十二經焉十二經者左右手足
各備陰陽者三陰右而陽左也陽順布
而陰逆施也以三陽言之則太陽少陽
陽明陽既有太少矣而又有陽明者何

取兩陽合明之義也以三陰言之則太陰少陰厥陰陰既有太少矣而又有所厥陰者何取兩陰交盡之義也非徒經之有十二也而又有所謂經絡者焉經絡之數三百六十有五所以附經而行周流而不息也至若陰陽維蹻衝帶六脉固皆有所繫屬而唯有督任二經則苞乎腹背而有專以諸經滿而溢者此則

受之初不可謂非常經而忽畧焉法宜
與諸經並論通考其隧穴六百五十有
七者而施治功則醫之神秘盡矣蓋古
之聖人契乎至靈洞視無隱故能審經
脉之真源虛實之變建名立號使人識
而治之雖後世屢至抉膜導脉驗幽索
隱卒不能越其範圍聖功之不再壹至
是乎由此而觀學醫道不可不明乎經

絡經絡不明而欲治夫疾疾猶習射而不操弓矢其不能也決矣濂之友滑君深有所見於此以內經骨空諸論及靈樞本輸篇所述經脉辭旨簡嚴讀者夫易即解於是訓其字義釋其名物疏其本旨正其句讀釐為三卷名曰十四經發揮復慮隨次之名難於記憶聯成韻語附於各經之後其有功於斯世也不

亦遠哉世之著醫書者日新月盛非不
繁且多也漢之時僅七家耳唐則增為
六十四至宋遂至一百七十又九其發
明方藥豈無其人純以內經為本而弗
之雜者抑何其鮮也若今之張元素劉
完素張從正李杲四家其立言垂範殆
或庶幾者乎今吾滑君起而繼之凡四
家微辭秘旨靡不貫通發揮之作必將

與其書並傳無疑也。嗚呼！橐籥一身之
氣機，以補以瀉，以成十全之功者，其唯
針砭之法乎？若不明於諸經而誤施之，
則不假鋒刃而成賊人矣。可不懼哉！縱
諉曰：九針之法傳之者，蓋鮮苟以湯液
言之，亦必明於何經中邪？然後注何劑
而治之，柰何粗工絕弗之謂也！滑君此
書，豈非醫塗之輿梁也與？濂故特為序。

之以傳非深知滑君者未必不以其言
為過情也滑君名壽字伯仁許昌人自
號為櫻寧生博通經史諸家言為文辭
溫雅有法而尤深於醫江南諸醫未能
或之先也所著又有素問鈔難經本義
行於世難經本義雲林危先生素嘗為
之序云

翰林學士亞中大夫知

制誥無脩

國史金華宋濂謹序

十四經發揮序

觀文於天者非宿度無以稽七政之行
察理於地者非經水無以別九圍之城
矧夫人身而不明經脈又烏知榮衛之
所統哉此內經靈樞之所由作也竊嘗
攷之人為天地之心三才蓋一氣也經
脈十二以應經水經絡三百六十有五
以應周天之度氣穴深淺以應周期之

曰宜乎榮氣之榮於人身。晝夜環周軼大旋之度四十有九。或謂衛氣不循其經。始以晝行諸陽。夜行諸陰之異。未始相從而亦未嘗相離也。夫日星雖殊。所以麗乎天者。皆陽輝之昭著也。河海雖殊。所以行乎地中者。實一水之流行也。經絡雖交相貫屬。所以周於人身者。一榮氣也。噫。七政失度。則災眚見焉。經水

失道則涖潦作焉。經脈失常則所生是
動之疾繇是而成焉。以故用鍼石者必
明俞穴。審機微。因以虛實以補瀉之。此
經脈本輸之旨。尤當究心靈樞世無註
本。學者若病焉。許昌滑君伯仁父嘗著十
四經發揮專疏手足三陰三陽及任督
也。覩其圖章訓釋網舉目張。足以為學
者出入嚮方寔醫門之司南也。既成將

鉞梓以傳徵余叙其所作之意。余不敏
輒書三才一氣之說以歸之。若別經絡
筋骨之屬。則此不暇備論也。時
至正甲辰中秋日。白明呂後養生主書
于驃騎山之樵舍。

自序

人為血氣之屬飲食起居節宣微爽不能
無疾之感人或內或外或小或大為是
動為所以生病成不出五藏六腑手足陰
陽聖智者興思有以治之於是而入者於
是而出之也上古治病湯液醪醴為症少
其有疾率取夫空穴經隧之所統繫視夫
邪之所中為陰為陽而灸刺之以驅去其

所苦觀內經所載服餌之法總一二為灸
者四三其它則明鍼刺無慮十八九鍼之
功其大矣厥後方藥之說肆行鍼道遂寢
不講灸法亦僅而獲存鍼道微而經絡為
之不明經絡不明則不知邪之所在求法
之動中機會必捷如響以難矣茲昔軒轅
氏岐伯氏斤、問答明經絡之始末相孔
穴之分寸探幽摘邃布在方冊亦欲使天

下之為治者視天下之疾有以究其七情
六淫之所自取則以察夫某為某經之陷
下也某為某經之虛若實可補寫也某為
某經之表裏可汗可下也鍼之灸之藥之
餌之無施不可俾免夫人嘔噦呻吟抑已備
矣遠古之書淵乎深哉於初學或未易也
乃以靈樞經本輸篇素問骨空等論裏面
集之得經十二任督脈云行腹背者二其

隧穴之周於身者六百五十有七故其陰
陽之所以往來推其骨空之所以駐會圖
章訓釋綴以韻語釐為三卷目之曰十四
經發揮庶幾乎發前人之萬一且以示初
學者於是而出入之嚮方也烏乎故圖以
窮其源因文以求其義尚不戾前人之心
浚之君子察其勒而止其不逮是所望也
至正初元閏月六日許昌滑壽自序

十四經發揮

凡例

一十二經所列表第並已流注之序為之先後附以任督二奇者以其有專穴也擬之為十四經云

一註者所以釋經也其訓釋之義凡有三焉訓字一義也釋身體府藏名物一義也解經一義也其載定法分寸則圈以別之

一各經既於本經詳註處所其有他經交會處但云見某經不必復贅

一經脈流注本經曰厯曰循曰至曰抵其交會者曰會曰過曰行其或經行之處既非本經人非交會則不以統之

一奇經八脈雖不若十二經之有常道亦非若諸絡之微細

也任督二脉之直行者既已列之十四經其陰陽維絡衝帶
六脉則別具編末以備參考

目錄

上卷

手足陰陽流注篇

中卷

十四經脉氣所發篇

下卷

奇經八脉篇 附仰伏人尺寸圖

十四經發揮卷上

手足陰陽流注篇

許昌滑壽著

凡人兩手足各有三陰脉三陽脉以合為十二經也。三陰謂太陰少陰厥陰。三陽謂陽明太陽少陽也。人兩手足各有三陰脉三陽脉相合為十二經也。手三陰謂太陰肺經少陰心經厥陰心包經。手三陽謂陽明大腸經太陽小腸經少陽三焦經。足三陰謂太陰脾經少陰腎經厥陰肝經。足三陽謂陽明胃經太陽膀胱經少陽膽經。謂之經者以血氣流行經常不息者而言謂之脉者以血理分派行體者而言也。手之三陰從臑走至手。手之三陽從手走至頭。足之三陽從頭下走至足。足之三陰從足上走入腹。

手三陰從臑走至手謂手太陰起中焦至出大指之端。手少

陰起心中。至出小指之端。手厥陰起胸中。至出中指之端。手
三陽從手走至頭。謂手陽明起大指次指之端。至上扶鼻孔。
手太陽起小指之端。至目內眥。手少陽起小指次指之端。至
目銳眥。是三陽從頭走至足。謂足陽明起於鼻。至入中指內
間。足太陽起目內眥。至小指外側端。足少陽起目銳眥。至小
指次指間。是三陰從足走入腹。謂足太陰起大指之端。至
屬脾絡胃。足少陰起足心。至屬腎絡膀胱。足厥陰起大指聚
毛。至屬肝絡膽。是三脉雖曰從足入腹。然太陰乃復上膈。挾
咽。散舌下。少陰乃復從腎上挾舌本。厥陰乃復上出額。與督
脉會于巔。魚手太陰從肺系橫出腋。下手少陰從心系上肺。
出腋下。手厥陰循胸出脇。上抵腋下。此又秦越人所謂諸陰
脉皆至頸胸而還者也。而厥陰則又上出於巔。蓋厥陰之

盡也。所以然者。示陰無可盡之理。亦猶易之碩果不食。示陽無可盡之義也。然易之陰陽以氣言。人身之陰陽以藏象言。氣則無形。而藏象有質。氣陽而質陰也。然則無形者貴乎陽。有質者貴乎陰歟。

絡脈傳注周流不息。

絡脈者。本經之旁支。而別出以聯絡於十二經者也。本經之脈。由絡脈而交他經。他經之交。亦由是焉。傳注周流。無有停息也。夫十二經之有絡脈。猶江漢之有沱潛也。絡脈之傳注於他經。猶沱潛之旁導於他水也。是以手太陰之支者。從腕後出次指端。而交於手陽明。手陽明之支者。從缺盆上挾口鼻。而交於是陽明。是陽明之支者。別附上中大指端。而交於是太陰。是太陰之支者。從胃別上膈注心中。而交於手少陰。手少陰則直自本經少衝穴。而交於手太陽。不假

支授。蓋君者。出令者也。手太陽之支者。別頰上至目而皆而入。於是太陽。是太陽之交者。從睛內左右別下合腦中。下至小指外側端。而交於是少陰。是少陰之支者。從肺出注胸中。而交於手厥陰。手厥陰之支者。從掌中循小指次指出其端。而交於手少陽。手少陽之支者。從耳後出至目眦。皆而交於是少陽。是少陽之支者。從肘上入大指爪甲。出三毛。而交於是厥陰。是厥陰之支者。從肝別貫膈上注肺。而交於手太陰也。

故經脈者。行血氣。通陰陽。以榮於身者也。

通結上文。以起下文之義。經脈之流行不息者。所以運行血氣。流通陰陽。以榮養於人身者也。不言絡脈者。牽經以該之。其始從中焦注手太陰陽明。陽明注足陽明太陰。太陰注手少陰太陽。太陽注足太陽少陰。少陰注手心主少陽。少陽注足少

陽厥陰厥陰復還注于太陰

始於中焦注于太陰終於注足厥陰是經脈之行一周身也其氣常以平旦為紀句以漏水下百刻晝夜流行與天同度終而後始也

氣營氣紀統紀也承上文言經脈之行其始則自起中焦其氣則常以平旦為紀也營氣常以平旦之寅時為紀由中焦而始注于太陰以次流行也不言血者氣行則血行可知漏水下百刻晝夜流行與天同度者言一晝一夜漏下百刻之內人身之經脈流行無有窮止與天同一運行也蓋天以三百六十五度四分度之一為一周天而終一晝一夜人之營衛則以五十度周於身氣行一萬三千五百息脈行八百一十丈而終一晝夜適當明日之寅時而復會于手太陰是與天同

度終而復始也或云晝夜漏刻有長短其營氣盈縮當何如
然漏刻雖有短長之殊而五十度周身者均在其中不同漏
刻而有盈縮也

右本篇正文與金蘭循經同

十四經發揮卷上

十四經發揮卷中

十四經脈氣所發篇

手太陰肺經之圖



手太陰肺經穴歌

手太陰經十一穴中府雲門天府列俠白尺澤孔最存列缺經渠太淵滿魚際少商如韭菜

手太陰肺之經

北十一穴左右共二十一穴。是經多氣少血。

肺之為藏六葉兩耳四垂如蓋附着於脊之第三椎中有二十四空行列分布諸藏清濁之氣為五藏華蓋云

手太陰之脈起于中焦下絡大腸還循胃口上膈屬肺

起發也絡統也還復也循巡也又依也沿也屬會也中焦者在胃中脘當臍上四寸之分大腸註見本經胃口胃上下口也胃上口在臍上五寸上脘穴下口在臍上二寸下脘穴分也膈者隔也凡人心下有膈膜與脊脇周四相着所以遠隔濁氣不使上薰於心肺也手太陰起于中焦受足厥陰之交也由是循任脉之外是少陰經脉之裏以次下行當臍上一寸水分穴之分統絡大腸手太陰陽明相為表裏也乃復行本經之外上循胃口逆還上膈而屬會于肺榮氣有所歸

於本藏也

從肺系橫出腋下一循膈內行少陰心主之前下肘中

肺系謂喉嚨也。喉以候氣下接於膈肩下肋上際曰腋。膈下對腋處為膈肩肘之間也。膈盡處為肘臂節也。自肺藏循肺系出而橫循膈胸部第四行之中府雲門以出腋。下循膈內歷天府俠白。行手少陰手心主之前。下入肘中。抵尺澤穴也。蓋手少陰循膈臂出小指之端。手心主循膈臂出中指之端。手太陰則行乎二經之前也。中府穴在雲門下一寸乳上三肋間。動脈應手。陷中雲門在巨骨下俠氣戶旁二寸陷中。動脈應手。舉臂取之。天府在腋下一寸以取之。膈內肅動脈中俠白在天府下去肘五寸。動脈中尺澤在肘中約文上動脈兩筋中。

循臂內上骨下廉入寸口上魚口循魚際出大指之端

肘以下為臂廉隅也邊也手掌後高骨停動脈為関、前動脈為寸口曰魚口魚際云者謂掌骨之前大指本節之後其肥肉隆起處統謂之魚魚際則其間之穴名也既下肘中乃循臂內上骨之下廉歷孔最列缺入寸口之經渠太淵以上魚循魚際出大指之端至少商穴而終也端杪也。孔最穴去腕上七寸列缺去腕側上一寸五分以手交叉頭指端指筋骨罅中絡穴也經渠在寸口陷中大淵在掌後陷中魚際在大指本節後內側散脈中少商在大指端內側去爪甲如韭葉白肉內宛之中

其支者從腕後直出次指內廉出其端

臂骨盡處為腕脈之大隧為經交經者為絡本經終於出大

指之端矣此則從腕後列缺穴達次指內廉出其端而交於手陽明也

是動則病肺脹滿膨而喘咳缺盆中痛甚則交兩手而
瞀此為臂陷是主肺所生病者咳嗽上氣喘渴煩心胸滿
臑臂內前廉痛掌中熱氣盛有餘則肩背疼痛風寒寒字疑汗
出中風小便數而欠虛則肩背疼痛寒少氣不足以息溺色
變卒遺失無度盛者寸口大三倍於人虛者寸口反小
於人迎也

手陽明大腸經之圖



手陽明大腸經穴歌

手陽明穴起商陽二間三間合谷藏陽谿偏歷歷溫留下廉上
廉三里長曲池肘髁迎五里臂臑肩髁巨骨當天鼎扶突禾
髁接終以迎香二十穴

手陽明大腸之經凡二十穴左右共四

大腸長二丈一尺廣四寸當臍右回十六曲

手陽明之脈起於大指次指之端循指上廉出合谷兩骨之間
上入兩筋之中

大指次指大指之次指謂食指也手陽明大腸經也凡經脈
之通陰脈行手足之裏陽脈行手足之表此經起於大指次
指之端商陽穴受手太陰之交行乎陽之分也由是循指之
上廉歷二間三間以出合谷兩骨之間復上入陽谿兩筋之
中○商陽在手大指次指內側去爪甲角如韭葉二間在手
大指次指本節前內側陷中三間左手大指次指本節後內
側陷中合谷在手大指次指歧骨間陷中陽谿在腕中上側
兩筋陷中

循臂上廉入肘外廉循臑外前廉上肩

自陽谿而上循臂上廉之偏歷溫溜下廉上廉三里入肘外
廉之曲池循臑外前廉歷肘髁五里臂臑絡臑會上肩至肩
髃穴也。偏歷在腕中後三寸溫溜在腕後小指六寸大指
五寸下廉在輔骨下大指上廉一寸上廉在三里十寸三里在
曲池下二寸按之內起曲池在肘外輔骨屈肘曲骨之中
以手拱胸之時膠在肘大骨外廉陷中五里在肘上三寸
行向裏大脉中臂臑在肘上七寸臑會見手少陽經手陽明
之絡也肩髃在肩端兩骨間陷者宛中。中渚臂力空

出髃骨之前廉上出柱骨之會上。

肩端兩骨之間為臑骨肩胛上際會處為天柱骨出髃骨前廉
循巨骨穴上出柱骨之會上會於大椎。巨骨穴在肩端上

行兩叉骨間陷中大椎見督脉手足三陽督脉之會

下入缺盆絡肺下膈屬大腸

自大椎而下入缺盆循足陽明經脉外絡繞肺藏復下膈當
天樞之分會屬於大腸也。缺盆天樞見足陽明經

其支別者從缺盆上頸貫頰入下齒縫中


頭莖為頸耳以下曲處為頰口前小者為齒其支別者自缺
盆上行為頸循天鼎扶突上貫於頰入下齒縫中。天鼎在
頸缺盆上扶突後一寸扶突在氣舍後一寸五分仰而取之
又云在人迎後一寸五分

還出挾口交人中左之右右之左上挾鼻孔

口唇上鼻柱下為人中既入齒縫復出夾兩口吻相交於人
中之分左脉之右右脉之左上挾鼻孔循禾髭迎香而終以

交於足陽明也。人中穴見督脉為手陽明督脉之會禾膠
左鼻孔下挾水溝旁五分迎香在禾膠上一寸鼻孔旁五分
是動則病齒痛頸腫是主津液所生病者自黃口乾鼽衄
喉痺肩前臑痛大指次指痛不用氣盛有餘則當脉所過
者熱腫虛則寒浮不復盛者人迎大三倍於寸口虛者人
迎反小於寸口也

足陽明胃經之圖



足陽明胃經穴歌

四十五穴足陽明承泣四白巨髃經地倉大迎頰車犄下關
頭維人迎對水突氣舍連缺盆氣戶庫房屋翳頰膚客氣中
延乳根不容承滿梁門僞關門大乙滑肉門 天樞外陵太
巨存水道滯來氣冲次髀關伏兔走陰市梁丘犢鼻足三里
上巨虛連條口是下巨虛及至曲泉陷解谿冲陽陷谷中內庭
厲兌經穴終

足陽明胃之經

凡四十五穴。是經氣血俱多。

胃大一尺五寸。紆屈曲伸長二尺六寸。

足陽明之脉起於鼻交頰中旁約大指之脉下循鼻外入上齒中還出頰口環唇下交承漿。

頰鼻堂也。鼻山根為頰。足陽明起於鼻兩旁迎香穴由是而上左右相交於頰中過睛明之分。下循鼻外歷承漿甲由巨髕入上齒中復出循地倉扶兩口吻環繞唇下左右相交於承漿之分也。迎香手陽明經穴。睛明足太陽經穴。手足太陽少陽足陽明五脉之會。承泣在目下七分直瞳子。四白在目下一寸直瞳子。巨髕在鼻孔旁八分直瞳子。地倉扶口吻旁四分。承漿見任脉。足陽明任脉之會。

却循頤後下廉出大迎循頰車上耳前過客主人循髮際至額

顙

腮下為顙。中為頤。顙前為髮際。髮際前為額。顙自承漿節循頤後下廉出大迎循頰車上耳前。歷下關過客主人循髮際行懸癰。顙厭之分。經頭維會於額。顙之神庭。大迎在曲頤前一寸三分。骨陷中動脈。頰車在耳下曲頤端陷中。下關在客主人下耳前動脈下廉。合口有空開口則闕。客主人懸釐。顙厭三穴並足少陽經。皆手足少陽陽明之交會。頭維在額角髮際本神旁一寸五分。神庭旁四寸五分。神庭穴見腎脈是太陽陽明督脈之會。

其支別者從大迎前下人迎循喉嚨入缺盆下膈屬胃絡脾胸兩旁高處為膺。上橫骨為巨骨。巨骨上陷中為缺盆。其支別者從大迎前下人迎循喉嚨歷水突入缺盆行足

少陰俞府之外下膈當上腕中腕之必屬胃絡脾。人迎在
頸大脉動應手扶結喉旁一寸五分水突在頸大筋前直人
迎下氣舍上氣舍在頸直人迎下挾天突陷中缺盆在肩下
橫骨陷中俞府見足少陰經上腕見任脉足陽明手太陽在
脉之會中腕見任脉手太陽少陽足陽明所生任脉之會
其直行者從缺盆下乳內廉下挾臑入氣沖中

直行者從缺盆而下乳內廉循氣戶庫房屋膺膺乳中
乳根穴容承滿梁門閨門太乙滑肉門下挾臑歷天樞外陵
大巨水道歸來諸穴而入氣沖中也。氣戶在巨骨下俞府
旁二寸陷中庫房在氣戶下寸六分陷中仰而取之屋翳在
庫房下一寸六分陷中仰而取之膺窗在屋翳下一寸六分
陷中乳中穴當乳是乳根穴在乳下一寸六分陷中仰而取

之不容在幽門旁相去各一寸五分承滿在不容下一寸梁
門在承滿下一寸關門在梁門下一寸太乙在關門下一寸
滑肉門在太乙下一寸下扶臍天樞在扶臍二寸外陵在天
樞下一寸大巨在外陵下一寸水道在大巨下三寸臍來在
水道下二寸氣冲一名氣街在臍來下臍上一寸動脈應
手宛之中自氣冲至乳提法中行自不容至滑肉門法中行
自天樞至臍來法中行

其支者起胃下口循腹裏下至氣衝中而合

胃下口下腕之分難經云太會下口為幽門者是也自屬胃
處起胃下口循腹裏適足少陰胃俞之外本經之裏下至氣
衝中與前之入氣衝者合

以下詳閱此伏急下入膝躋中下循肘外應不足附一中指外

間抵至少。狀外為髀。三前膝上起。內長為伏兔。伏兔之為
髀。關扶膝筋中為臄。臄骨為髀。趾蹠也。既相合。氣衝中。乃
下。髀關抵伏兔。歷陰市。梁丘。下入膝臄中。經犢鼻。下循胫外
廉之三里。巨虛上廉。條口。巨虛下廉。豐隆。解谿。下足跗之衝。
陽陷谷。入中指外間之內庭。至厲兌而終也。髀關在膝上
伏兔後。交文。一作交分伏兔在膝上六寸。起肉正跪坐而取之。
一云膝蓋上七寸。陰市在膝上三寸。伏兔下陷中。非而取之。
梁丘在膝上二寸。兩筋間。犢鼻在膝臄下。胫骨上骨解大筋
中。三里在膝眼下三寸。胫骨外大筋內宛。然中舉足取之。
極重按之。則跗上動脈止矣。巨虛上廉在三里下三寸。舉足取
之。條口在下廉上一寸。舉足取之。巨虛下廉在上廉下三寸。
舉足取之。豐隆在外踝上八寸。下胫外廉陷中。別走太陰。

解谿在衝陽後一寸五分腕上陷中衝陽在足跗上五寸骨間動脈去陷各三寸陷谷在足大指次指間本節後陷中內庭在足大指次指外間陷中厲兌在足大指次指去爪甲如韭葉

其支者下膝三寸而別以下入中指外間

此支自膝下三寸循三里穴之外

厲兌合也

其支者別跗上入大指間出其端

此支自跗上衝陽穴別行入大指間斜出足厥陰行間穴之外循大指下出其端以交於是太陰

是動則病洒灑然振寒善伸數名顏黑病至則惡人與火聞木音則惕然而驚心欲動獨閉戶牖而處其則欲上高而歌按衣而走黃鵠腹脹是為肝脹是主血所生病者狂言善忘

汗出欬喘口喝唇胎頭腫喉痺大腹水腫臃腫痛癢腐乳
氣衝股伏兔外廉足跗上皆痛中指不用氣盛則身以前皆
皆熱其有餘於胃則消穀善飢溺色黃氣不足則身以前皆
寒懷胃中寒則脹滿盛者人迎大三倍于寸口虛者人迎反
小寸口是。

瘰癧未發

瘰癧未發

乳 乳中乳根

氣衝

氣衝

股

不用 乃能發用

是太陰脾經之圖



足太陰脾經穴歌

二十一穴太陰脾隱由太都太白隨公孫商丘三陰交漏谷
地机陰陵均血海箕門冲問開府舍腹結大橫排腹哀食竇
連太谿胸鄉周榮大包隨

足太陰脾之經

凡二十一穴左右共四十
二穴。是經多氣少血

脾廣三寸長五寸撿乎太倉附著於脊之第十一椎

足太陰之脉起於大指之端循指內側白肉際過掌骨後上內
踝前爲

數骨一作核骨俗云孤拐骨是也足跟後兩旁起骨爲踝骨

足太陰起大指之端隱白穴受足陽明之交也由是循大指
內側白肉際太都穴過核骨後歷太白公孫高丘上內踝前
廉之三陰交也○隱白在足大指內側端去爪甲角如韭葉
大都足大指本節後陷中太白在足內側核骨下陷中公孫
在足大指本節後一寸別走陽明高丘在足內踝下微前陷
中三陰交在內踝上三寸骨下陷中

上端內循前骨後交出股陰之節

脾經也。由三陰交上臍內衝髀骨後之漏谷止。行二寸交出足厥陰經之前。至地机陰陵泉。漏谷在內踝上六寸骨下陷中。地机在膝下五寸。陰陵泉在膝下內側輔骨下陷中。伸足取之。

上脘。膝股內前廉入腹。屬脾絡胃。

髀內為膝膕。上下為腹。自陰陵泉上循膝股內前廉之血海箕門。逆還入腹。經衝門府舍。會中極關元。復循腹結太極。會下脘。歷腹哀。過日月期門。之會。循本經之裏。下至中脘。下臍之際。以屬脾絡胃也。血海在膝膕上內廉。白肉際二寸中。箕門在魚腹上越筋間。陰股內動脈中。衝門上去大橫五寸。在府舍下橫骨端。約中動脈。府舍在腹結下三寸中極關元。並見任脈。皆是三陰任脈之會。腹結在大橫下一寸三分大。

橫在腹哀下三寸五分直臍旁下皖見任脉是太陰任脉之
會腹哀在日月下一寸五分日月見足少陽經是太陰少陽
維之會期門見足厥陰經是太陰厥陰維之會也冲門府
含腹結大橫腹哀去腹中行各四寸半

上腸扶咽連舌本散舌下

咽所以嚥物者居喉之前至胃長一寸六分爲胃系也舌本
舌根也由腹哀上腸循食竇天谿胸鄉周榮由周榮外曲折
向下至大包人自大包外曲折向上會中府上行計人迎之
裏扶咽連舌本散舌下而終焉。食竇在天谿下一寸六分
舉臂取之天谿在胸鄉下一寸六分仰而取之胸鄉在周榮
下一寸六分陷中仰而取之周榮在中府下一寸六分陷
中仰而取之大包在淵腋下三寸淵腋見足少陽肱骨解手

太陰經是太陰之會也人迎見足陽明經

其支別者復從胃別上膈注心中

此支由腹哀別行再從胃部中脘穴之處上膈注於脾中之靈心
之分以交於手少陽。中脘膈中並任脈穴

是動則病舌本強食則嘔胃脘痛腹脹善噫得後與氣則快然
如衰身體重是主脾所生病者舌本痛不能動搖食不下
煩悶下急痛寒瘧溼瘕泄水閉黃疸不能臥強立股膝內腫厥死
大指不用為此諸病盛則寫之虛則補之熱則疾之寒則留
之陷下則灸之不盛不虛以經取之盛者寸口大三倍于人
迎虛者寸口反小于人迎也

得後即去後與氣即止

手少陰心經之圖



手少陰心經穴歌

九穴元依手少陰極泉青灵少海深灵道通里陰郄遂神門
中府少冲尋

手少陰心之經凡九穴左右共十八

心形如未放蓮花居肺下膈上附著於脊之第五推

手少陰之脈起於心中出屬心系下膈絡小腸

心系有二一則上與肺相通而入肺兩大葉間一則由肺葉

而下曲折向後並脊脊細絡相連貫脊髓與腎相通正當七節

之間蓋五藏系皆通於心而心通五藏系也手少陰經起於

心循任脈之外屬心系下膈當臍上二寸之分絡小腸

其支者從心系上挾咽繫目系

支者從心系出任脈之外上行而挾咽繫目也

其直者從心系却上肺出腋下

直者復從心系直上至肺藏之分出循腋下抵極泉也次在

臂內腋下筋間動脈入腋

下循脇內後廉行太陰心主之後下肘內廉

自肘泉下循脇內後廉行太陰心主之後歷青灵穴下肘內廉抵

少海。青灵在肘上三寸舉臂取之少海在肘內肱骨外上

循臂內後廉抵掌後兌骨之端入掌內廉循小指之內出其端

腕下踝為兌骨自少海而下循臂內後廉歷灵道通里至掌

後兌骨之端經神門入掌內廉至少海內廉端於手

太陽也心為君主之官示君於它藏故其交經授受不假於

支別云。灵道在掌後一寸五分通里在腕後一寸陷中陰

却在掌後脉中去腕五分神門在掌後兌骨之端陷者中少

府在手小指本節後陷中直旁少衝在手小指內廉端去爪甲如韭葉

是動則病噎乾心痛而欲飲是為臂厥是主心所生病者

目黃脇疼脇臂內後廉痛取掌中熱痛盛者寸口大再倍

於人迎虛者寸口反小於人迎也
手太陽小腸經之圖



手太陽小腸經穴歌

手太陽穴一十旭少澤前谷後谿隅腕骨陽谷養老連支正
少海肩貞走臑俞天宗與秉風曲肘肩外復肩中中天窈天容
上顙髎却耳中循到臑宮

手太陽小腸之經

凡十九穴左右共三十穴。是經多血少氣。

小腸長三丈二尺左回疊積十六曲胃之下口小腸上口

也在臍上二寸水穀於是入而後下一寸為水分穴則小

腸下口也至是而泌別清濁水液入膀胱滓穢入大腸云

手太陽之脉起於小指之端循手外側上腕出踝中

臂骨盡處為腕下兌骨為踝本經起小指端少澤穴由是

循手外側之前谷後谿上腕出踝中歷腕骨陽谷養老穴也

少澤在手小指外側端去爪甲角一分陷中前谷在手小

指外側本節前陷中後谿在手小指外側本節後陷中腕骨

在手外側腕前起骨下陷中陽谷在手外側腕中兌骨下陷

中養老在手直上循臂骨下廉

出肘內側兩筋之間上循腕外後廉出肩解熱肩即交臂上

脊兩旁為解上兩角為肩解肩解下成肩骨為肩髃

解

自養老穴直上循臂骨下廉支正穴出肘內使兩骨之間屈
少海穴上循臑外後為行手陽明少陽之外上肩循肩貞臑
俞太溪乘風曲垣肩外俞肩中俞諸穴乃上會大椎因左右
相交於兩肩之上。支正在腕後五寸小海在肘內大骨外
去肘端五分陷中肩貞在肩曲肘下四骨解間肩髃後陷中
臑俞在挾肩髃陷中後大骨下肘上廉陷中大骨在支正後
大骨下陷中乘風在天髃外肩上有小髃後脊肩有堂曲垣在
肩中央曲臑陷中按之應手痛肩外俞在肩胛上廉去脊三
寸陷中肩中俞在肩胛內廉去脊二寸陷中大髃肩髃
足三陽督脉之會

入缺盆絡心循咽下膈抵胃脘小腸

自交肩上入缺盆循肩向腋下行當臚中之分絡心循胃系

下膈過上腕中腕抵胃下行任脉之外當脊上二寸之分屬
小腸膻中上腕中腕並見任脉會穴也

其支者別從缺盆循頸上頰至目眦皆却入耳中


目外角為眦紫支者別從缺盆循頰之天客天客上頰抵額
膠上至目眦皆過腫子膠却入耳中循聽宮而終也。天客
在頰大筋前曲頰下扶突後動脉應手陷中天客在耳曲頰
後額膠在面頰骨不慮兇骨端陷中腫子膠是少陽經穴聽
宮在其中珠子大如赤小豆

其支者別頰上頰抵鼻至自內眦斜終于額

目下為頰白大角為內眦其支者別循頰上頰抵鼻至自內
眦皆眦明穴以交於足太陽也眦明是太陽經穴

是動則病噎膈肩頰腫全身面頰肩似按痛似此是主痰所生病者耳聾目黃頰
腫頰頰肩痛時時外之也此皆人迎之脈也

是太陽膀胱經之圖



足太陽膀胱經穴歌

足太陽穴六十三
睛明攢竹曲差
恭五處承光通
天上經却玉枕
禾柱靴太杼風
門引肺俞厥陰
心俞膈俞注肝
俞膽俞脾俞金
胃俞三焦腎俞
遇大腸小腸膀
胱俞中膂白環
兩俞輸自從大
杼至白環相去
脊中三寸間上
體次髀中復下
會陽承扶殷門
委中承陽委中
鐺髀內挾脊跗
分當太陽行背
第三行魄戶膏
肓其仲堂譙譙
肅關魂門房陽
細意令仍胃倉
育明志室胞之
育二十椎下秩
邊藏合膈以下
合陽是承筋承
山居其次飛揚
付陽泊昆崙僕
恭中脈連金門
京骨承骨入通
谷中指外側至
陰續

足太陽膀胱之經凡六十三穴左右共一百二

膀胱重九兩二銖。縱廣九寸。居腎下之前。大腸之側。當脊上

一寸。水分穴之處。小腸下口。乃膀胱上際也。水液由是承

足太陽之脉起於目內眥上額交巔上

自大角為內眥髮際前為額腦上為巔。頂也。是太陽起目

內眥睛明穴上額循橫行。追神庭。歷曲差五處。承光通天。自

通夫斜行左右相交於巔上之百會也。睛明在目內眥。攢

竹在鼻頭陷中。神庭見督脉。是太陽督脉之會也。曲差在神

庭傍一寸五分。入髮際五處。挾上星傍一寸五分。承光在五

處後一寸五分。通天在承光後一寸五分。百會見督脉。是太

陽督脉之交會也。

其支別者從巔至耳上角

支別者從巔之百會抵耳上角逆車谷浮白竅陰三穴見足少陽經是太陽少陽
養於經脉也率谷浮白竅陰三穴見足少陽經是太陽少陽
之會也

其直行者從巔入絡腦還出別下項

腦頭髓也項上為腦之後為項此直行者由通天穴後循絡

却至枕入絡腦後出下項○絡却在通天後一寸五分王枕

在絡却後一寸五分扶腦戶傍一寸五分枕骨上入髮際三

寸腦戶督脉穴是也西督脉之會天柱在項大節髮際陷中

循肩膊內挾脊抵腰中入循脊絡腎屬膀胱

肩後之下為肩髃椎骨為脊尻上橫骨為腰挾脊為脊自天

柱而下過大椎陶道却循肩髃內挾脊而傍下作歷大椎風

門肺俞厥陰俞心俞膈俞肝俞膽俞脾俞胃俞三焦俞腎俞

大腸俞小腸俞膀胱俞中膂內俞白環俞由是抵腰中入循
脊終腎下屬膀胱也大椎見督脉手足三陽督脉之會陶
道見督脉足太陽督脉之會大椎在項後第一椎百風門在
第二椎肺俞在第三椎下厥陰俞在第四椎下心俞在第五
椎下膈俞在第七椎下脾俞在第九椎下膽俞在第十椎下
正坐取之脾俞在第十一椎下胃俞在第十二椎下三焦俞
在第十三椎腎俞在第十四椎下與臍平大腸俞在第十六
椎下小腸俞在第十八椎下挾脊膀胱俞在第十九椎中膂內
俞在第二十椎下挾脊起內白環俞在第二十一椎下伏而取
之自大抒至白環俞諸穴並背部第二椎相去脊中各五寸
其支別者從腰中下挾脊貫髂入髀中

髂尻也挾脊膂骨兩旁為機後為髂腓腸上膝後曲處為

其夫別者從腰中循腰髁下扶脊歷上髁次髁中髁下髁
 按腰髁即腰髁大脊髁有二十一節自十六推節向
 為腰髁而扶脊附着之處其十七至二十一節
 所處則二十一推下等而上之至第七推下等
 其二十一推至十七推皆無穴乃知為腰髁骨所掩明矣會陽
 下貫腎至承挾殷門浮知委陽入腠中之委中穴也上髁
 在第一空腰髁下一寸挾脊陷中次髁在第二空挾脊陷中
 中髁在第三空挾脊陷中下髁在第四空挾脊陷中會陽在
 尾髁骨兩空承挾在尻髁下股陰上紋中殷門在內即下六
 寸浮知在委陽上一寸展膝得之委陽在承扶下六寸屈
 取之是太陽之後出於腠中外廉兩筋間委中在腠中央約
 紋中動脈

其夫別者從髁內左心別下貫腠扶脊內過髁極

督內曰脾夾脊肉也。其支者為扶脊兩旁第三行相去各三寸之諸穴。自大柱而下從髀內左右別行下貫脾脊。歷附腧。脊膏肓神堂。譙譙陽關。魄門陽綱。意舍胃倉。肓門志室。胞肓。秩邊。下歷尻臀。通髀樞也。肢外為髀。棲脊之下為髀樞。附分在第二椎下。附項內。廉腧在第三椎下。膏肓在第四椎下。近五椎上取穴。時令人正坐。曲脊伸兩手以臂着膝前。令端直。寸六指與膝頭齊。以物支肘。毋令臂動。搖神堂在第五椎下。譙譙在肩髃內。廉扶第六椎下。膈腧在第七椎下。正坐開肩取之。魄門在第九椎下。陽綱在第十椎下。意舍在第十一椎下。胃倉在第十二椎下。肓門在第十三椎下。又肋間志室在第十四椎下。並正坐取之。胞肓在第十九椎下。秩邊在第二十椎下。並伏而取之。


循髀外從後廉下合腠中以下貫跗內出外踝之後循京骨至小指外側

膈脾腸也。循髀外從後廉髀樞之裏承扶之外一寸五分之間而下與前之入腠中者相合下行循金陽穴下貫膈內應承筋。承山飛揚跗陽出外踝後之崑崙僕參申脉金門循京骨束骨通谷至小指外側端之至陰穴以交於足少陰也。○合陽在膝約文中夾下三寸承筋在膈腸中夾陷中承山在兌膈腸下三寸間飛揚在外踝上七寸跗陽在外踝上三寸崑崙在足外後跟骨上陷中僕參在跟骨下陷中拱足得之中脉在外踝下陷中容爪甲白肉際金門在足外踝下京骨在足外側大骨下赤白肉際陷中束骨在足小指外側本節後陷中通谷在足小指外側本節前陷中至陰在足小指外側

去人甲角如韭菜

是動則病衝頭痛目似脫項似拔脊痛腰似折髀不可以
曲脰如結胸如刀刺是為躁脈是主筋所生病者瘡瘍疔頭
疾頭顙項疼目黃淚出執紼項背腰尻脰胸脚皆痛小指
不用盛者人迎大再倍於寸口虛者人迎反小於寸口也

足少陰腎經之圖



足少陰腎經穴歌

足少陰穴二十七，涌泉然谷太谿通。
太鍾照海通水泉，後溜交信築賓通。
陰谷橫骨大赫，氣穴四滿中注，三育，肱曲石，關，腓，陰都，通谷，崑門，辟步，廊，神封，靈墟，位，神藏，或中，膕，府，既。

足少陰腎之經凡二十七穴左右共五十

腎有兩枚狀如石外色黑紫當胃下兩旁入脊腎附脊之

第十四椎前後與臍平直

足少陰之脉起於小指之下斜趣是心

趣向也足少陰起小指之下斜向是心之湧泉穴在是心陷

中是捲指宛之中

出然谷之下循是內踝之後別入跟中上膈內出腠內廉

跟足跟也由湧泉轉出是內踝然谷穴下循內踝後太谿穴

別入跟中之太谿照海水泉乃折自太谿之外上循內踝行

厥陰太陰之後徑復溜交信過三陰交上膈內循臑實出膈

內廉抵陰谷也然谷在足內踝前大骨下陷中太谿在足

內踝後跟骨上動脉陷中太谿在足跟後動中照海在足內

踝下水泉在大谿下一寸以踝下後留在足內踝上二寸動
脉陷中交信在足內踝上二寸少陰前太陰後三陰交穴見
足太陰足三陰之交會也築賓在足內踝上臍中陰分在
膝內輔骨後大筋下上筋上按之應手屈膝可得之

上股內後廉貫脊屬腎絡膀胱

由陰谷上股內後廉貫脊會於脊之長強穴還出於前橫
骨大赫氣穴四滿中注育俞當育俞之所臍之左右屬腎下
臍下過關元中極而絡膀胱也。長強見腎脉之少陰少陽
所結會腎脉別絡也橫骨在大赫下一寸育俞下五寸千金
除上橫骨中穴曲如目中央是大赫在氣穴下一寸氣穴在四滿下一寸
四滿在中注下一寸氣海旁一寸中注在育俞下一寸育俞
在高出一寸去臍旁五分橫骨在育俞攷之實生經云

去中行各一寸半，關元中極並任脈穴，是三陰任脈之會。其直者從腎上腎，肝膈入肺，中循喉嚨，扶舌本。

其直行者從育俞，屬腎，處上行，循商曲，石關，陰都，通谷，諸穴貫肝，上循幽門，上膈，歷步廊，入肺中，循神封，靈墟，神藏，或中俞，膈而上，循喉嚨，並人迎，扶舌本而終也。商曲在石關下一寸，石關在陰都下一寸，陰都在通谷下一寸，通谷在幽門下一寸，幽門扶巨關旁各五寸，商曲至通谷，去腹中行各五分，步廊在神封下一寸六分，膈中神封在靈墟下一寸六分，膈中靈墟在神藏下一寸六分，膈中神藏在心口中下一寸六分，膈中或中在俞府下一寸六分，膈中俞府在巨骨下璇玑旁二寸，膈中自步廊至臑中，去胸中行各二寸，並仰而取之，人迎穴見足陽明經。

其支者從肺出終心注胸中

兩乳間為胸中支者自神藏別出達心注胸之膺中以交於手厥陰也

是動則病飢不欲食面黑如地色欬唾則有血喝而喘坐而欲起目眈眈如無所見心如懸若飢狀氣不足則善恐心惕如人將捕之是謂骨蒸是主腎所生病者口熱舌乾咽腫上氣噎乾及痛煩心煩痛黃疸胸痹脊臂肢肉後廉痛瘡肢暗目足下熱而痛為此諸病盛則寫之虛則補之熱則疾之寒則留之陷下則灸之不盛不虛以經取之灸則強實生肉緩帶被髮大杖重履而步盛者寸口大再倍于人迎虛者寸口反小于人迎也

手厥陰心包經之圖



手厥陰心包絡之經

九穴心包手厥陰天池天泉曲澤郛郛間使內關對大陵
勞宮中沖僞

手厥陰心包之經

凡九穴左右共十八穴此經多血少氣

心包一名手心主以藏象較之在心下橫膜之上豎膜之下與橫膜相黏而黃脂漫裹者心也其漫脂之外在細筋膜如絲與心肺相連者心包也或問手厥陰經曰心主又曰心包絡何也曰君火以立相火以佐手厥陰代君火行事以肘而言故曰手心主以經而言則曰心包絡一經而二名實相火也

手厥陰之脈起於胸中出屬心包下膈歷絡三焦

手厥陰受足少陰之交起於胸中出屬心包由是下膈歷絡於三焦之上腕中腕及臍下一寸下焦之分也

其支者循胸出脇下腋三寸上抵腋下下循臑內行大陰少陰之間入肘中

脇上除為腋自屬心包上循胸出脇下腋三寸天池穴上行抵腋下循臑內之大泉穴以介手太陰少陰兩經之中間入肘中之曲澤也。天池在腋下三寸乳後一寸着脇直腋腋肋間天泉在曲腋下臂二寸率臂取之曲澤在肘內廉下陷中屈肘得之

下臂行兩筋之間入掌中循中指出其端


由肘中下臂行臂兩筋之間循肘間使內關太陵入掌中

勞宮穴循中指出其端之穴謂云。即門在掌中後此說五

開使在掌後三寸兩筋間陷中內關在掌後去腕二寸六陵
在掌後兩筋間陷中勞宮在掌中央六經無名指取之黃生
經云屈中指以今規之其若屈中指無名指兩者之間取之
為先中衝在手十指端去爪中如韭葉陷中
其支別者從掌中循小指次指出其端

小指次指無名指也自小指逆數之則為次指示支別者自
掌中勞宮穴別行循小指次指出其端而交於手少陽也
是動則病手心熱臂肘掌急腋腫甚則胸脇支滿心中澹
澹大動面赤目黃喜噦不休是主脈所生病者煩心心痛
掌中熱盛者寸口大一倍於人迎盛者寸口反小於人迎
也

手少陽三焦經之圖



手少陽三焦經穴歌

二十三穴手少陽開冲液門中渚寧陽池外關支溝會宗
三陽四瀆配天井合連清冷淵消灤臑會肩髃偏人髎全
翳風瘰脈顙息肩髃通耳門禾髎絲竹空

手少陽三焦之經

凡二十三穴左右共四十二穴。是經多氣少血。

三焦者水穀之道路氣之所終始也。上焦在心下下膈在胃上口其治在臆中直兩乳間陷者中。中焦在胃中脘當臍上四寸不上不下其治在臍旁下焦當臍臑上口其治在臍下一寸。

手少陽之脈起於小指次指之端上出次指之間循手表腕出臂外兩骨之間上臂肘。

臂骨盡處為腕，腕骨盡處為肘。手少陽起小指次指端，關衝穴上出次指之間，歷液門中者，循手表腕之陽池，出臂外兩骨之間，循外關支溝會宗三陽絡四瀆，乃上貫肘抵大井穴也。關衝在手小指次指之端，去爪甲如韭葉，液門在手小指次指間陷中，中渚在手小指次指本節後間陷中，陽池在手手表腕上陷中，外關在腕後二寸陷中，別走手少陰支溝在腕後三寸兩骨間陷中，會宗在腕後三寸空中，一寸三陽絡在臂上大交脈支溝上一寸，四瀆在肘前五寸外廉陷中，天井在肘外大骨後上一寸兩筋間陷中，屈肘得之，甄權云：由肘後一寸，以手按膝頭取之，兩筋骨罅。

循臑外上肩交出足少陽之後，入缺盆布臑中，散終心包下。

肩肘之間臂下對腋處為臑從天井上行循臂臑之外歷清
冷淵消榮行手太陽之裏陽明之外上肩循臑會肩髃天髃
交出足少陽之後過秉風肩井下入缺盆復由足陽明之外
而交會於臑中散布絡統於心包乃下膈當胃上口以屬上
焦於中脘以屬中焦於陰交以屬下焦也。清冷淵在肘上
二寸神肘舉臂取之消榮在肩下臂外間腋斜肘分下行臑
會。在肩前廉去肩頭三寸肩髃在肩端臑上舉臂取之天髃
在肩缺盆中上比骨之際陷中秉風見于太陽經手足少陽
手太陽：明之會肩井見足少陽經手足少陽：維之會臑
盆足陽明經穴。臑中見任脉心包相火用事之分也中脘陰
交見任脉三焦之募任脉氣所發也

其支者從胆中上出缺盆上項挾耳後直上出耳上角以循下

類至項

腦戶後為項。目下為類。其支者從胆中而上出缺盆之外上
項過大椎循天牖上挾耳後經翳風瘰脈顙息直上出耳上
角至角孫過懸鐘顙厭又過陽曲晴明屈曲下類至類會過
膠之分也。大椎兎督脉手足三陽督脉之會天牖在頸大
筋外缺盆上。天窓後天窓後資生作天窓天柱前完骨下髮際上懸
釐顙厭見足少陽經手足陽明少陽之交會也翳風在耳後
中央角陷中按之引耳中痛瘰脈在耳本後難足青脉中顙息
在耳後青脉中角孫在耳廓中間上開口有室陽白見足少
陽經手足陽明少陽之會晴明見足太陽經顙顙見手太陽
經手少陽太陽之會也

其支者從耳後入耳中出是耳前過客主人前交類至目眇眇

此支從耳後翳風穴入耳中過聽宮歷耳門和髖却出至目
銳眇會瞳子髖循絲竹空而交於足少陽也

聽宮見手太陽經手足少陽手太陽三脈之會耳門在耳前
起肉當耳缺中和髖在耳前兌髮下橫動脈瞳子髖見足少
陽經手太陽手足少陽之會絲竹空在肩後陷中

足動則病耳聾渾々惛。眩暈喉痺是主氣所生病者汗
少目銳眇痛類疼耳後肩髖肘臂外皆痛小指次指不用齒
者人迎大一倍於寸口虛者人迎反小於寸口也

足少陽胆經穴歌

少陽之經瞳子膠四十三穴行過之
听會客主領厭集懸顙
懸釐曲鬲期率谷天冲浮白次寒陰完骨本神全陽白臨泣
開目窻正營承靈及腦寒風也肩井淵腋長輒筋日月京門
帶脈五樞維道竊居膠環跳下中風陽關陽陵後陽交外
丘光明陽輔高懸鍾丘墟足臨泣也五俠谿寒陰甲

此維顙部自瞳子膠至風池凡三寸穴作三折向外而行
始瞳子膠至完骨是一折入自完骨外折上至陽白會晴
明是一折入自晴明上行循臨泣風池是一折緣其穴曲
折外後唯為斜掌故此作一至二十次第以該之一瞳子
膠二听會三客主四領厭五懸顙六懸釐七曲鬲八率谷
九天冲十浮白十一竅陰十二完骨十三本神十四陽白

十五臨泣十六目窓十七正營十八承靈十九腦空二十

風池

足少陽胆之經

凡四十三穴左右共八十
穴。是經多氣少血

胆在肝之短葉間重三兩三銖包精汁三合

足少陽之脉起於目銳眦上抵頭角下耳後

足少陽經起目銳眦之瞳子膠於是循聽會客主人上抵頭

角循額下懸顴懸顴由懸顴外循耳上髮際至曲鬚率谷

由率谷外折下且後循天衝浮白竅陰完骨又自完骨外折

上逆角孫循手少陽過曲差下至陽白會睛明復從睛明上行

循臨泣目窓止營承靈腦空風池云。瞳子膠在目外眦五

分所會。在耳前陷中上開下一寸動脉宛々張口得之客主

人在耳前起骨上懸顴口有空通脉宛々中頭顴在曲角下

顛顛一處空上膺懸顛在曲角上顛顛中懸懸在四角上顛顛
下廉曲髻在耳上髮際曲隅陷中鼓顛有孔率谷在耳上如
前三分入髮際一寸五分陷者宛中天衝在耳後髮際二
寸耳上如前三分浮白在耳後入髮際一寸竅陰在腕骨上
腕骨下搖動有空完骨在耳後入髮際四角孫見手少陽
經手足少陽之會本神在曲差旁一寸五分入髮際四分曲
差見足太陽經陽白在眉上一寸直瞳子精明見足太陽經
手足太陽少陽足陽明五脉之會臨泣在目上直入髮際五
分陷中目窓在臨泣後一寸正營在目窓後一寸水溝在上
營後一寸五分腦空在承靈後一寸五分挾至枕骨下陷中
風池在顛顛後髮際陷中

循鏡行手少陽之前至角上却交出手陽少之後入缺盆

自風池循額過天牖穴行于少陽脉之前下至肩上海肩井
却左右相交出手少陽之後過太椎大抒秉氣當秉氣前入
缺盆之穴。天牖見于少陽經肩井在肩上海中缺盆上大
骨前一寸半以三指按取之當中指下陷中者是大椎見督
脉手足三陽督脉之會大抒見足太陽經足太陽少陽之會
秉氣見手太陽經手太陽陽明手足少陽之會缺盆見足陽
明經

其支者從耳後入耳中出走耳前至目銳眦後

其支者從耳後顙顙間過翳風之穴入耳中過听宮出走耳
前復自听會主目銳眦瞳子膠之分也翳風見手少陽經手
足少陽之會听宮見手太陽經手足少陽太陽三脉之會
听會瞳子膠見耳前

其支者別目銳眇下大迎合手少陽抵於頰下加頰車下頰合缺
盆以下胸中貫膈絡肺屬腦

其支者別自目外眦下頰骨而下大迎合手少陽於頰當顴骨
穴之分下臨頰車下頰循本經之前與前之入缺盆者相合
下胸中天池之外貫膈即期門之所絡肝下至日月之分屬
於膽也。大迎見足陽明經顴骨頰車手太陽穴天池手心
主穴手厥陰是少陽之會期門足厥陰火日月見下文膽之
募也

循膈裏出氣衝統毛際橫入髀厭中

膈肱也腋下為脇曲骨之分為毛際毛際兩旁動脈中為氣
衝衝捷膚之下為髀厭即髀樞也自屬膈裏循脇內章門之重
出氣衝遠毛際逆橫入髀厭中之環跳也。章門足厥陰穴

足少陽厥陰之會氣衝足陽明穴環跳在髀樞下

其直者從缺盆下腋循腋過季脇下合解脈中以下循髀陽出
脇外廉。

脇骨之下為季脇此直者從缺盆直下腋循腋歷淵腋腋筋
日月穴過脇循京門帶脈五樞維道居髀由居髀入上髀中
髀長強而下與前之入髀厥者相合乃下循髀外行太陽
陽明之間歷中渚陽關出膝外廉抵陽陵泉也。淵腋在腋
下三寸穴中章臂取之。輒筋在腋下三寸復前行一寸者
髀陷也。日月在期門下五寸京門在脇骨下腰中扶脊季肋
本帶脈在季肋下一寸八分五樞在帶脈下二寸維道在章
門下五寸三分居髀在章門下八寸三分照骨上陷中上髀
中髀並見足太陽經上髀為足少陽太陽之經中髀則足少

陰少陽所結之會也長強見腎脉足少陰少陽所結之會中
瀆在解骨外膝上五寸分肉間陷中陽關在陽陵泉上三寸
犢鼻外陷中陽陵泉在膝下一寸外廉陷中

下外輔骨之前直下抵絕骨之端下出外踝之前循足附上入
小指次指之間

前外為輔帶外踝以上為絕骨足面為跗自陽陵泉下外輔
骨前歷陽穴外血光明直下抵絕骨之端循陽輔懸鍾而下
出外踝之前至丘墟循足面之臨泣也五會伏兔乃上入小
指次指之間至竅陰而終也○陽交在足外踝上七寸斜屬
二陽分肉之間外血在足外踝上七寸光明在足外踝上五
寸陽輔在足外踝上四寸輔骨前絕骨端如前三分去五墟
七寸懸鍾在足外踝上三寸動脉中丘墟在足外踝下如前

去臨泣三寸臨泣在足小指次指本節後間陷中去挾谿一
寸半地五會是在足小指次指本節後陷中俠谿在足小指次
指岐骨間本節前陷中竅陰在足小指次指端去爪_{非甲如}

其支者別附上入大指循岐骨內出其端還貫爪甲出三毛

足大指本節後為岐骨大指爪甲後為三毛其支者自足附

上臨泣穴別行入大指

循岐骨內出大指端還貫爪甲出三毛交於足竅陰也

是動則病口苦善太息心脇痛不能轉側甚則面微塵體
無膏澤是外反熱是為陽絡是主骨所生病者頭痛頰疼
目眦皆痛缺盆中腫痛腋腫下腫馬刀挾癰汗出振寒痠胸
脇肋解膝外至脛絕骨外踝前及膝節日痛小指次指不
用盛者人迎大一倍於寸口虛者人迎反小于寸口也

宛廣韻力嘲切深空之貌即穴隙之謂也江西席廣家鍼灸書
中皆誤字音非宛豈謬宛聲相近而然今從依改定雖然所

改有不尽者亦不
必苦求之也

足厥陰肝經之圖



足厥陰肝經穴歌

一十三穴足厥陰大敦行間太衝後中封蠡溝中都近膝關
曲泉陰包臨五里相近陰廉上章門常對期門深

足厥陰肝之經

凡一十三穴左右共二十
六穴。是經多血少氣

肝之為藏

左三葉右四葉凡七葉其治在左其藏在右脇

右腎之前並胃着脊之中第九椎

足厥陰之脉起於大指聚毛之上循足跗上廉去內踝一寸

足大指爪甲後為三毛、後橫又為聚毛去相去也是厥

陰起於大指聚毛之大敦穴循足跗上廉歷行間太衝抵內

踝一寸之中封也。大敦在足大指端去爪甲如韭葉及三

毛中行間在足大指間動脈處手太冲在足大指本節後三

寸或去一寸半動脈陷中中封在足內踝前一寸陷中仰而取之

上踝八寸交出太陰之後上腘內廉

自中封上踝過三陰交歷蠡溝中都復上一寸交出太陰之後上腘內廉至膝關曲泉。三陰交見足太陰經足少陰太陰厥陰之交會也蠡溝在內踝上五寸中都內踝上七寸胫骨中膝關在犢鼻下二寸陷中曲泉在膝內輔骨下大筋上小筋下陷中屈膝得之在膝橫文

循股入陰中環陰嚮抵小腹挾腎屬肝絡膽

髀內為股腓下為小腹由曲泉上作循股內之陰包五里陰廉達當衝門府舍之分入陰毛中左右相交環達陰嚮抵小腹而上會曲骨中犢關元復循章門至期門之所挾胃屬肝

下日月之分終於膝也。陰包在膝上四寸股內廉內筋間五里在氣衝下三寸陰股中動脈陰廉在羊矢下去氣衝二寸動脈中衝門府舍見足太陰曲骨見任脈足厥陰任脈之會中極間元見任脈足三陰任脈之會也章門在大橫外直臍旁肋端側卧屈上足伸下足舉臂取之期門直兩乳第二肋端肝之募也日月見足少陽經

上貫脇布脇肋循喉嚨之後上入頤頤連目系上出額與督脈會於顛

目內連深處為目系頤頤咽頤也自頤上貫脇行食氣之於大包之裏散布於肋上雲門淵腋之間入迎之外循喉嚨之後上入頤頤行大迎地倉白陽白之外連目系上出額行諸道之裏與督脈相會於顛頤之會會也○食氣大包足

太陰經穴雲門手太陰經穴淵腋足少陽經穴人迎大迎地倉四白見足陽明陽任臨泣見足少陽百會見督脈

其支者從自系下頰裏環唇內

前以連目系上出額其支從目系下行任脈之脉李經之裏下頰裏交環於口唇之內

其支者復從肝別貫膈上注肺

此交經之友從期門屬肝處別貫膈行食竇之外本經之裏上注肺中下行至中焦挾中脘之分以交於手太陰也

是動則病腰痛不可以他仰丈夫癰疽婦人小腹腫甚則噎乾面塵脫色是主肝所生病者胸滿嘔逆同渾狐癰道溺癰閉盛者寸口大一倍於人迎虛者寸口反小於人迎也凡此十二經之病盛則瀉之虛則補之熱則疾之寒則留之留不則久之不盛不虛以經取之

督脉之圖

凡灸脊骨當灸高處則氣通如魚脊高節乃其此龍乃居之處
言最有理



督脉經穴歌

督脉部中行二十七穴始長強腰俞伏閉命門當懸樞脊中
走筋絡至陽天臺神道長身柱陶道大椎俞症門風府連腦
府強間後項百會前項顙會上星圓神庭素竈水溝重舌
端離交斯已矣

督脉

凡二十七穴

督之為言都也行督部之中行為伏脉之都綱奇經八脉之
一也

督脉者起於下極之胸


下極之胸兩陰之間屏翳處心屏翳四肋間為脊內深處
為下極督脉之所始也

並如脊裏上至風府入腦上顙循額至鼻柱屬陽脉之海也

脊之為骨凡二十一椎通項骨三椎共二十四椎自肩髃兩
起歷長強穴並脊裏而上行循膈膂陽關命門懸樞脊中
縮至陽天臺神道身柱過風門循陶道大椎庭門至風府入
腦循腦戶強間後頂上巔至百會前項顙會上星神庭循顙
至鼻柱結素窠水溝穴端至斷交而終焉云伏脈之海者以
人之脈絡周流於諸伏之處譬猶水也而督脈則為之都綱
故曰伏脈之海。肩髃見任脈任脈別絡挾督脈衝脈之會
長強在脊骶端腰俞在第二十一椎節下間陽關在第十六
椎節下間命門在第十四椎節下間懸樞在第十三椎節下
間脊中在第十一椎節下間筋縮在第九椎節下間至陽在
第七椎節下間天臺在第六椎節下間神道在第五椎節下
間身柱在第三椎節下間風以見足太陽乃督脈足太陽之

會陶道在大椎節下間陷中自陽關至此諸穴並倂而取之
大椎在第一椎上陷中瘰癧門在旦府後入髮際五分風府在
項入髮際一寸腦戶在枕骨上強間後一寸五分強間在後
項後一寸五分後項在百會後一寸五分百會一名三會在前
項後一寸五分項中旋毛中直兩耳尖中容耳前項在顙會
後一寸五分陷中顙會在星後一寸陷中上星在神庭後
入髮際一寸陷中容耳神庭在鼻上入髮際五分素髴在鼻
柱上端水溝在鼻柱下人中兌端在唇上端新交在唇內齒
上斷絕也

任脉之圖



任脉經穴歌

●任脉分三八起於會陰上曲骨中極關元到石門氣海陰交
神闕立水分下脘循建里中脘上脘巨關起鳩尾中庭臍中
慕玉堂紫宮樹華蓋璇璣天突廉泉上頤還以承漿

任脉凡二十四穴

任之為言妊也。行腹部中。為夫人人生養之本。奇經之一脉也。

任脉者起於中極之下。以上毛際循腹裏上關元至臍。為陰脉之海也。

任與腎一源而二岐。督則由會陰而行。督任則由會陰而行。腹夫人身之有任。督猶天地之有子午也。人身之任督以腹背言。天地之子午以南北言。可以分可以合者也。分之於以

見陰陽之不雜合之于以見渾淪之無間一而二二而一也
也任脉起於中極之下會陰之分也由是循曲骨上毛際至
中極行腹裏上膻中元門氣海阴交神闕水分下皖建里
中皖上皖巨關鳩尾中庭臍中玉堂紫宮華蓋璇玑天突膻
泉上顯循承漿環唇上至斷交分行繫兩目下之中夾會承
泣而終也云陰脉之海者亦以人之脉終周流於諸陰之分
譬猶水也而任脉則為之總任焉故曰陰脉之海會陰一
名屏翳在兩陰間曲骨在橫骨上毛際陷中動脉應掌中極
在關元下一寸關元在臍下三寸石門在臍下二寸氣海在
臍下一寸五分陰交在臍下一寸神闕當臍中水分在下皖
下一寸上臍一寸下皖在建里下一寸建里在中皖下一寸
中皖在上皖下一寸靈樞經云腧脈即岐以下至天樞天樞

明經穴扶膈二寸長八寸而中腕居中是也然人胃有大小

蓋與膈平直也亦不可拘以自身但自髀髁至臍中以八寸為度各依部分

取之上腕在巨關下一寸當一寸五分去散骨三寸巨關在

鳩尾下一寸鳩尾在散骨之端言其骨垂下如鳩形故以為

名臆前蔽骨下五分也人無蔽骨者從岐骨際下行一寸中

庭在臆中下一寸六分胆中在玉堂下一寸六分兩乳間玉

堂在紫宮下一寸六分紫宮在華蓋下一寸六分華蓋在璇

玆下一寸資生經璇玆在天突如一寸陷中天實在頸結喉

下一寸宛中廉泉在頸下結喉上舌本兩維任脈之會卻

而取之承漿在唇下陷中任脈足少明之會斷交見督脈任

督二脈之會承泣見足陽明蹻脈任脈足陽明之會也

○按任督二脈之直行者為腹背中行諸穴而系今特舉之

以附十二經之後如骨空論所為茲不與焉其餘衝帶維
蹻所經之穴是則寄會於諸經之間余誠難與任督二脈之
灼就行腹背者均故此得以畧之雖就因畧以致詳亦不害
於兼取也故其八脈全篇仍別出于左方云

右十四經正文並與金蘭循經同

十四經發揮中卷終

十四經發揮卷下

奇經八脉篇

脉有奇常十二經者常脉也奇經八脉則不拘如常故謂之奇經蓋以人之氣血常行於十二經脉其諸經滿溢則流入奇經焉奇經有八脉督脉潛於後任脉任於前衝脉為諸脉之海陽維則維絡諸脉陰維則維絡諸脉陰陽自相維持則諸維常調維脉之外有帶脉者束之猶帶也至於兩足踠脉有陰有陽臥踠得諸太阴之別脉踠本諸少阴之別脉猶聖人圖設溝渠以備水潦斯無澁溢之患人有奇經亦若是也今搜集奇經八脉所發者氣穴處所共成一篇付之梓裡之後以備通攷云

督脉

督脉者起于小腹以下骨中央女子入繫度孔之端其終
循陰器合篡間統纂後別統臂至少陰與巨陽中絡者合
少陽上股內後廉貫脊屬腎與太陽起目內眦止額交巔
上入絡腦還出別下項循肩膊內挾脊抵腰中入循脊絡
腎其男子循莖下至篡與女子童其小腹直上者貫臍中
夾上貫心入喉上順環唇上系目目之中此生病從少腹
上衝心而痛不得前後為衝疝其女子不孕瘕瘕道溺噎
乾治在督脉。督脉之別名曰長強俠脊上項散上頭下
當肩脾左右別走太陽入貫脊實則脊強虛則頸重取之
所別故難經曰督脉者起於下極之腧並於脊重上至風
府入屬於腦上顙循額至鼻柱屬陽脉之海也此為病今
人脊強及新。督脉從頭循脊脊入髓長四尺五寸凡二

十七穴見前

按內經督脉所發者二十八穴據法十椎下一穴名中極脉尾骨兩旁二穴長強共有二十九穴今多斷交一穴少中極一穴會陽二穴則係督脉別絡與少阳會故止載二十九穴穴見前

任脉

任脉者與衝脉皆起於胞中循脊裏為經絡之海其浮而外者循腹上行會於咽喉別而絡唇口血氣盛則肌肉熱血獨盛則滲灌皮膚生毫毛婦人有餘於氣不足於血以其月事數下任衝並傷故也任脉之交脉不營其口唇故鬚髮不生是以任脉為病男子內結七疝女子帶下瘕聚故難經曰任脉起於中極之下以上毛際循腹裡上關

至咽喉上順循面入目屬陰脉之海。凡此任脉之從從
肥中上注目長四尺五寸。按二十四穴。穴見前。

按內經云任脉所發者二十八穴。經閉一穴。實有二十
七穴。內斷交一穴屬督脉。承泣二穴屬定陽明。陽脉故
止載二十四穴。穴見前。

陽蹻脉

陽蹻脉者起於跟中循外踝上行入風池其為病也令人
陰緩而陽急兩足蹻脉本太陽之別合於太陽其氣上行
氣并相還則為滿目氣不營則目不合男子數其阳女子
數其陰當數者為結不當數者為絡也。蹻脉長八尺所發
之穴生於申脉。外踝下屬足太陽經以輔阳為却以踝本於僕参。足太陽經
下與足少陰會於居髎。足少陰經又與手阳明會於肩髃及巨

骨並在又與手足太陽跗維會于臑俞在臂上與手足陽明會于地倉和吻又與手足陽明會于巨髃髃與手任脉足陽明會于承泣目下

已上為陽蹻脉之所榮凡二十穴跗蹻脉病者宜刺之

陰蹻脉

陰蹻脉者亦起於跟中循內踝上行至咽喉交貫衝脉其為病者令人陽緩而陰急故曰蹻脉者以陰之別別於然谷之後上內踝之上直上循股入胸上循胸重交缺盆上出人迎之所入鼻屬目內眥合於太陽女子以之為經男子以之為絡而足蹻脉長八尺而陰蹻之却在交信內

衝脉

衝脉者，與任脉皆起於胞中，上循脊裡，為經絡之海。其浮於外者，循腹上行，會於咽喉，別而終唇口。故曰：衝脉者，起於氣冲，並足少阴之經，俠臍上行，至胸中而散。其為病，令入逆氣，裏急，難經則曰：並足少阴明之經，以穴攷之，足少阴明俠臍左右各二寸，而上行足少阴俠臍左右各五分，而上行臍經所載，衝脉與督脉同起於會阴，在其腹也行于幽門，通谷、陰都、石關、商曲、育俞中注、四滿、氣穴、大赫、橫骨，凡二十二穴，皆足少阴之分也。然則衝脉並足少阴之經明矣。

陽維脉

陰維維於陽，其脉起於諸陰之會，與陰維皆維絡于身。若陽不能維于陽，則客不能自收，攝其脉氣，所發別于金。

門在足外踝下以陽交為郄在外踝與手足太陽及蹻脉
會于臑臑上肩後與手足少陽會于天髀金上又會于肩
井其在頭也與足少陰會于阳白在眉上于本神及臨
泣上至止營循于腦空下風池其與督脉會則在風府及
痃門難經云陽維為病苦寒熱

此少陰脉氣所發凡二十四穴

陰維脉

陰維維于陰其脉起於諸陰之交若陰不能維于陰則振
然失志其脉氣所發者陰維之郄名曰築賓見足太
脉會于腹哀大樞又與足太陰厥陰會于府舍期門與任
脉會于天突廉泉難經云少陰維為病苦心痛

此陰維脉氣所發凡二十二穴

帶脉

帶脉者起于季脇回身一周其為病也腰腹縱容如囊水之狀其脉氣所榮在季脇下一寸八分正名帶脉以其回身一周如帶也大興足少陽會于維道

此帶脉所榮凡四穴

以上雜取素問難經甲乙經聖濟總錄中系合為篇

伏人尺寸之圖



共五十九叶週身穴俱前